



COMUNE DE PÀDRIA

DELIBERATZIONE DE SU CONSÌGIU COMUNALE N. 16 DE SU 01/07/2022

OGETU: AVERIGUADA DE SA NÒMINA DE SA GIUNTA

S'annu duamìgia e bintiduos sa die unu de su mese de Triulas a sas 19.20, AULA CONSILIARE, a pustis de avisu de cunvocatzione regulare, chi cuntenet puru s'elencu de sas cosas de trattare, notificadu a sos Consigeris in càrriga de su Comune, publicadu a s'albu pretòriu de su Comune matessi in sos tèrmines de lege, s'est reunidu in sessione ordinària pùblica in prima cunvocatzione, su Consìgiu Comunale, de su cale a s'apellu resurtant:

SAMBENADU E NÙMENE	PRESENTE
DUT. MURA ALESSANDRO	EMMO
MARICA MATTEO SALVATORE	EMMO
DETTORI GIUSEPPA ANGELA	EMMO
CONTU DANILO	EMMO
PIRAS ANGELO	EMMO
DOMINICI SANTO	EMMO
MANCA ALESSANDRA	EMMO
SERRA ANTONIO	EMMO
MASCIA ANGELA RITA	EMMO

Presentes n° 9 Ausentes n° 0

Partètzipat su SEGRETÀRIU COMUNALE DUT. PULEDDA ANTONINO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e deccarat aberta sa setziada pro trattare de s'ogetu giutu torra in subra.

AVERIGUADA DE SA NÒMINA DE SA GIUNTA COMUNALE SU CONSÌGIU COMUNALE

CUN ATENTU A s'argomentu de su cale a su puntu 3 de s'òrdine de sa die de sa setziada de oe;

AMMENTADA sa deliberatzione pretzedente pròpia n. 14 in data de oe, cun sa cale in relata a su dispostu de s'art. 41 de su D.Lgs. n. 267/2000 e mm.ii.ii., custu Ente at provididu a sa cunvòlida de sos eletos a sas càrrigas de Sìndigu e de Consigieri comunale de Pàdria posca de sas votatziones de su 12/06/2022 comente resurtant dae su verbale chi pertenet de proclamatzione de sos eletos;

PRETZISADU chi su matessi verbale n. /2022 giai mentovadu in antis atestat sa cunvòlida a sa càrriga de Sìndigu, a s'èsitu de su giai mentovadu turnu elettorale, de su Dut. Alessandro Mura;

SINNALADU chi su Sìndigu eletu dae pagu at fatu su giuramentu prèvididu a manera bàndida a dae in antis a custu Cunsessu Tzìvicu comente resurtat dae su verbale de setziada n. /2002 in data de oe;

TORRADU A CRAMARE s'art. 46 de su d.lgs. n. 267/2000 e mm.ii.ii., marcadu "*Eletzione de su sindigu e de su presidente de sa provìntzia - Nòmina de sa giunta*", chi a sos commas 1 e 2 gasi previdit:

1. *Su sindigu e su presidente de sa provìntzia sunt eletos dae sos tzitadinos a "suffragio universale" e deretu cunforma a sas dispositziones apostivigadas dae sa lege e faghent parte de sos consìgios respetivos.*
2. *Su sindigu e su presidente de sa provìntzia numenant, in su respetu de su printzìpiu de sas oportunitades che pare tra òmines e fèminas, garantende sa presèntzia de òmines e fèminas, n. sos componentes de sa Giunta, tra sos cales unu vitzesindigu e unu vitzepresidente, e ne dant comunicatzione a su consìgiu in sa prima setziada imbeniente a s'elezione.*

EVIDENTZIADU chi in relata a su tema tratadu bisòngiat a manera netzessària leare a cunsideru cussu chi dae su puntu de annotu normativu apostivigat sa Regione Autònoma de Sardigna (RAS) in s'esertzitziu de sos mandos legìtimos suos;

AMMENTADAS pro su chi atenet sas leges regionales sardas chi s'ghint:

- nn. 4 de su 22.02.2012 e 16 de su 19.06.2015 in òrdine a su nùmeru màssimu de Assessoros Comunales in sos Comunes de s'Ìsula;

- n. 3 in data 09.03.2022 (lege de istabilidade de su 2022) chi giughet "Dispositziones in matèria de indennidade de sos Sìndigos Metropolitanos, de sos Sìndigos e de sos Amministradores Locales de sa Sardigna";

TORRADAS A CRAMARE puru sas notas imbiadas a sos Comunes Sardos dae sa RAS Assessoradu de sos Entes Locales, Finàntzias e Urbanìstica nn. 744/2015 e 1607/2015 pro dare acramamentos subra de s'interpretatzione de sas dispositziones de sas cales a sas ll.rr. nn. 4/2012 e 16/2015 mentovadas in subra;

ESPRESSADU duncas chi, in sa Regione Sardigna, in osservàntzia de sas dispositziones mentovadas in antis e notas de interpretatzione in sos Comunes de s'Ìsula comente s'Ente in s'intestatzione e duncas cun populatzione inferiore a 1.000 abitanes, su nùmeru de sos Consigieris comunales assignados non devet èssere superiore a unu quartu, retundadu a s'unitàde superiore, de su nùmeru de sos Consigieris comunales assignados, contende pro custu puru su Sìndigu (art. 1 l.r. n. 4/2012 comente mudadu dae s'art. 1 de sa l.r. 16/2015);

AVERIGUADU chi:

- a su Comune de Pàdria sunt assignados n. 11 Consigeris Comunales incluidu puru su Sindigu;
- pro sas resones de sas cales a su paràgrafu chi pretzedid, su nùmeru màssimu de Assessoris est duncas che pare a 3;

CONSIDERADU chi su Seg. Sindigu, resurtadu eletu a manera dereta dae sos tzitadinos posca de sas eletziones de su 12/06/2022, devet comunicare a custu Consìgiu, in sa prima setziada ùtile chi s'ghit a custas eletziones mentovadas:

- de sa nòmina de sos componentes de sa Giunta Comunale;

- de sa nòmina de su Vitzesindigu;

BIDOS a tale riguardu sos decretos sindacales de nòmina de sos assessores comunales achisidos in atos;

RECONNOTA sa cumpetèntzia pròpia cunforma a sas dispositziones normative, istatutàrias e regulamentares in vigèntzia;

RITÈNNIDU de dèvere providire subra de cantu in ogetu;

INTESU s'interbentu de su Seg. Sindigu chi comunicat sa composizione chi s'ghit de sa Giunta Comunale:

N.	SAMBENADU E NÙMENE		ATRIBUTZIONI DELEGADAS
	MURA ALESSANDRO	SÌNDIGU	Programmazione e bilàntziu – Personale – Isport
1	MARICA MATTEO SALVATORE cun funtziones de Vitze Sindigu	CONSIGERI COMUNALE	Traballos pùblicos e Manutenziones– Ambiente – Protetzione Tzivile
2	DETTORI GIUSEPPA ANGELA	CONSIGERI COMUNALE	Cultura – Políticas Sotziales– Políticas Educativas
3	PIRAS ANGELO	CONSIGERI COMUNALE	Políticas giovaniles – Manifestatziones e eventos – Assòtzios e voluntariadu – Atividades produtivas

INTESOS sos interbentos de sos Seg. Consigeris:

Marica, Dettori, Mascia, Piras, Manca, Contu, Serra e Dominici;

ACHISIDOS, subra de sa proposta de deliberatzione, ca ritènnidos netzessàrios, cunforma a s'art. 49, comma 1 de su D. Lgs. 267/2000 e ii.mm. e ii., sos parres a favore in òrdine a sa regularidade tècnica e contàbile espressados dae su Responsàbile de s'Àrea Amministrativa e Finanziària;

RIFERIDU chi subra de sa matessi proposta est istadu fatu, cun èsitu a favore, su controllu de regularidade amministrativa a incuru de su Segretàriu comunale, umpare a s'èsitu de su coordinamentu de su testu cuncordadu cun sos Responsàbiles de sos Servìtzios interessados;

EVIDENTZIADU chi custa deliberatzione non cumportat peruna espressada de votu dae parte de sos Segg. Consigeris Comunales;

DELÌBERAT

1. De fàghere pròpias sas premissas narrativas e motivatzionales a custu dispositivu leende-las a cunsideru comente recramadas e torradas a giùghere a manera integrale;
2. De dare atu de àere retzidu, in sa setziada de oe, sa comunicatzione obligatòria dae parte de su Seg. Sindigu in òrdine a sa nòmina de sa Giunta Comunale de Pàdria;
3. De reconnòschere, pro more, sa compositzione chi sighit de s'Òrganu esecutivu de custu Ente:

N.	SAMBENADU E NÙMENE		ATRIBUTZIONES DELEGADAS
	MURA ALESSANDRO	SÌNDIGU	Programmazione e bilàntziu – Personale – Isport
1	MARICA MATTEO SALVATORE cun funtziones de Vitze Sindigu	CONSIGERI COMUNALE	Traballos pùblicos e Manutenziones– Ambiente – Protezione Tzivile
2	DETTORI GIUSEPPA ANGELA	CONSIGERI COMUNALE	Cultura – Políticas Sotziales– Políticas Educativas
3	PIRAS ANGELO	CONSIGERI COMUNALE	Políticas giovaniles – Manifestatziones e eventos– Assòtzios e voluntariadu – Atividades produtivas

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** oe **21/06/2022** at espressadu parre a **FAVORE**

PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** oe **21/06/2022** at espressadu parre a **FAVORE**

SU SÌNDIGU DUT. MURA ALESSANDRO

SU SEGRETÀRIU COMUNALE DUT. PULEDDA
ANTONINO

NOTA DE PUBLICATZIONE N. 488

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT. PULEDDA ANTONINO** atestat chi su 04/07/2022 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia.